

Dissertatio botanica de Anandria ... / Curiosis modeste sistit ... Erland Zach. Tursén.

Contributors

Tursén, Erland Zacharias, 1722-1777.
Linné, Carl von, 1707-1778.
Uppsala universitet.

Publication/Creation

Upsaliae, [1745?]

Persistent URL

<https://wellcomecollection.org/works/nxu3ckpb>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO BOTANICA
DE
ANANDRIA,
QUAM
AMPLISSIMA FAC. MED. CONSENT. & ADPROB.
IN REGIA ACADEMIA UPSALIENSI,
Sub PRÆSIDIO
VIRI EXPERIENTISSIMI ATQUE CELEBERRIMI,
DOMINI
DoCT. CAROLI
LINNÆI,

MED. ET BOTAN. PROFESS. REG. ET ORD.
ACAD. IMP. REGG. MONSPEL. HOLM. ET UPSAL. SOCII,
Hujusque SECRETARII,
Curiosis modeste sifit
STIPENDIARIUS REGIUS

ERLAND ZACH. TURSÉN,
WEXIONIA SMOLANDUS.

In Audit. Carolino Majori die XX. Decembris,
ANN. MDCCXLV.

UPSLAÆ.

VIRO

Dn. Doct. PETRO

Reg. Coll. Med. ADSESSORI, & per Provinciam
AVUNCULO

VI.

Adm. Rev. Praclar. &

Dn. NICOLA O

LINNÆO,

PASTORI in Stenbrohult longe
meritissimo.

Mag. PETRO
PLATIN,

Ecclesiæ Brahe-Grennæ PASTORI dignissimo,
cognitionis cauffia ad cineres colendo.

Spectatæ Integritatis &

Dn: DANIELI

PHARMACOPOLÆ per Provinciam
PATRONIS, PROMOTORIBUS

H^{oc}asce levissimas pagellas, summa cum re-
tantaque mihi praestita beneficia, cum vo-
D.

Ampl. Adm. Rev. Praclar.
NOMINUM

Chens devotissimus
ERLAND

Amplissimo;

PLATIN,

Junecopensem Med. Ord. Experientissimo,
Honoratissimo.

RIS

Clarissimis DOMINIS,

Mag. G A B R I E L I H Ö Ö K,

PASTORI in Wirestad fidelissimo,
AVUNCULI loco semper venerando.

Mag. J O H A N N I C O L L I N,

PASTORI in Tåfwelsåhs & Tofta vigilantissimo,
nec non Templ. Cathedr. Wex. Oeconomō Adcuratissimo;

Experientiae VIRO,

F A L C K,

Cronobergensem quam maxime industrio.

& FAUTORIBUS OPTIMIS.

verentia, in grati animi recordationem, ob tot
to omnigenae felicitatis,

D. D.

Clariss. & Experient.

VESTRORUM

& cultor observantissimus
TURSEN.

Högwålachtad Herr Handelsmannen i Carlshamn;
Herr OLOF G. BERGH.


N sålsam drt sig här framvisar,
Som hittils knapt sin like sett i
Bland ale det fram naturen gett.
Hon åsven och Guds almacht prisar:
Den minsta stielk det minsta blad
I alt / naturens ordning följer ;
Och fast deß fruchtbarhet sig döljer
Fins den likwäl i ymnog grad.
Jag gläds at hon mig nu påminner
En plicht / som är mig ganska öm :
Min tid / han är väl som en dröm ;
Dock denne tanken ej försvinner /
Min Herre af er stora dygd :
Han mig upmuntrar Er at wärda /
Som frälst den ödet welat mörda /
Och lemnat mig ert wärda skygd.
Når tryckte barn förswaret sakna /
Ho tar sig deras sak rätt an ?
Andeoch man mycket loswa kan ;
Men deraf klådes ej den nakna :
Man tror det är en ringa sak /
At föga wärda ord och låtven :
Man låts med handen ge i håsven
Men deraf bygs ej kyrkans tak.
Herr BERGH hos Er man altid sumnit
En siål / der aldrig falskhet fants ;
En dygd / som sedt sin fulla glants :
En dydd / som årans bifall wunnit
At ej af åldren plånas ut.
Ej under då / at man Er ungar
Beröm och lös af alla munnar
Som wärda dygden til sitt slut.

Högwålachtade Herr Handelsmannens
ödmjuke tjänare
ERLAND TURSÉN.





D. D.



I.

Lantarum usus ad Alimenta, Vestes,
Supellectilia & Medicamenta in
causa fuere, quod Plantarum co-
gnitio fuerit omni ævo magni ha-
bita, & Scientia, quam dicimus Bo-
tanicen, antiquitus culta.

2. Cognitio hæc primum ad
Plantas necessarias, dein ad utiles,
tum ad omnes quæ in usus verti possent, extendebatur,
demum & ad omnes quotquot detegi possent.

3. Sic plantarum detectarum species tempore Caspa-
ri Bauhini circa annum 1623. ad sextum millenarium
adscendebat, quarum pars maxima Europa meridionalis,
parum adhuc a Botanicis calcatis exoticis terris, suppo-
ditabat.

4. Non his acquievit Botanicorum industria, quin
etiam inviserent exterias oras, eas itidem investigaturi,
quas ibi terrarum collocaverat fœcunda natura. Hoc fi-
ne adiit HERMANNUS Zeylonam, RUMPFIUS Amboi-
nam, RHEEDE Malabariam, KÆMPFERUS Japoniam,
ALPINUS Ægyptum, OLDENLANDUS Caput bonæ
spei, FEVILLEUS Peruviam, HERNANDES Mexicum,
MARCGRAVIUS Brasiliam, PLUMIERUS Dominicam,

A

CATES-

CATESBÆUS *Carolinam*, CLAYTONUS *Virginiam*, TOURNEFORTIUS *Græciam*, HALLERUS *Helvetiam*, Cel. D:rus Præses *Lapponiam* &c.

5. Interea temporis & in Europa cultiori commorantes Botanici indefessam navabant operam detegendis plantis rarioribus, quæ veterum Botanicorum oculis adhuc sese subduxerant. Sic

ALPINUS *Cretam*; BOCCONUS *Siciliam*, *Melitam*, *Galliam*, *Italiam*; BARRELLIERUS *Italianam*, *Hispaniam*, *Galliam*; CLUSIUS *Hispaniam*, *Austriam*, *Pannoniam*; GRISLEUS *Lusitaniam*; MAGNOL *agros Monspelienses*; VAILLANTIUS *Parisinos*; LOESELIUS *Prussicos*; DILLENIUS *Gissenses*; RUPPIUS *Jenenses*; RAJUS *Anglicos*; CELSIUS *Uplandicos* agros peragrabant; ut taceamus reliquos, qui undique plantas coegerunt, uti PLUKENETIUS, BREYNIUS, COMMELINUS, Alii:

6. Ultimo & ad eas plantas examinandas ventum est, quarum cognitio antea vel minoris momenti habita, vel absque fructu laboriosissima æstimata. Ex his *Muscos* 600 DILLENIUS, *Gramina* 400 SCEUCHZERUS, *Fungorum* 900 varietates MICHELIUS, & alii ingentes minutissimarum plantarum copias in apricum produxere.

7. Hac ratione ad illud fastigium pervenerant ante aliquot annos Botanices divitiæ, ut multi dubitarent, an quædam adhuc plurimæ laterent plantarum species incognitæ, a Botanices maxima parte orbis lustrata.

8. RUTHENICO imperio ab Imperatore PETRO I:mo reformato, accitis undique eruditis viris, & Academia Scientiarum Petropoli fundata, plantæ vastissimi hujus imperii antea neglectæ sollicite indagari cœpere a Botanicis, quorum numerus tum valde acreverat; nec tamen in hisce borealibus plagis alias reperiri posse plantas, quam ubique per Europam vulgares, communis

nis erat opinio. Horum Botanicorum tantum nomina ad nos delata fuere, eorumque præsertim, qui longa itinera Botanices caufsa per varias remotissimasque Rutheniae Provincias instituerant. e. gr. Buxbaumii, Messerschmidii, Gerberi, Heintzelmanni, Gmelini, Stelleri.

9. BUXBAUMII interim prodire cœpere *Centurie*, refertæ plantis copiosissimis, multis ignotis, imperfecte descriptis & delineatis plurimis.

MESSERSCHMIDII *Flora Siberica* blattis tineisque relictæ, non dum publicam adspexit lucem.

GERBERI *Flora Volgensis*, plantis rarissimis superbens, suppressa cimeliis curiosorum reservatur.

HEINTZELMANN *Flora Tatarica* 400 plantas complectens, lucem, quam meruit, publicam, non dum consecuta est.

SCHOBERI *Flora Moscoviensis* prodire non meruit.

GMELENI stupenda collectanea, undecim annorum laboriosissimo itinere per *Siberiam* comparata, adhuc publici juris non facta, serio dolemus.

STELLERI itinera non dum cessant, plantæ tamen nonnullæ, antea non visæ, passim in curiosorum hortis obviæ, faciunt ut ejus redditum exoptemus.

AMMANNI *Icones & Descriptiones stirpium rario-
rum in imperio Ruthenico sponte provenientium*, Petropoli 1739. prodiisse ex novellis literariis cognovimus.

10. Annus jam agitur secundus a reditu STENONIS CAROLI BIELKE, *Lib. Bar. & Dicasteri Aboënsis Consiliarii*, ex Ruthenia, ubi Botanicis regni familiariter usus, plantarum variarum gazas acquisivit, quas ex remotissimis Russiæ Provinciis ac Regionibus nuper laudati clarissimi Viri retulerant. Amplissimum hunc thesaurum Generosissimus Dominus Baro, liberali manu, Celeberrimo Domino Præfidi donavit. Constatbat hic partim rariori- bus seminibus, quæ terræ commissa mox germinabant;

partim 600 circiter plantis exsiccatis, rarissimis plerisque,
nec antea in Svecia conspectis.

11. Hisce constabat quam ferax rarissimarum plan-
tarum sit vasta illa terra Ruthenica. Hæ vero omnes,
una cum 285 Ammanni, jam jam laudati, numero pau-
cæ sunt, si comparentur cum illis, quas Flora Sibirica
Clarissimi Botanici Gmelini, Profess. Hist. Nat. Petrop.
propediem publico exhibebit.

12. Ex hisce seminibus *Area venalis* Horti Acade-
mici Upsaliensis plurimis hodie superbit rarissimis plantis
Sibiricis, quæ vel Doctissimum Botanicum in sui admi-
rationem rapiant; quarum paucas commemorabo:

Valeriana floribus tetrandis, quæ Amm. ruth. 25. t. 3.
Androsace Fl. Svec. 160. Amm. 22.

Phlomis, Amm. 48.

Leonurus, quæ Ballote. Amm. 60. t. 8.

Leonurus, quæ Cardiaca, Amm. 62.

Dracocephalon quod Moldavica, Amm. 57. item 58.

Papaver, Amm. 81.

Sedum, Amm. 93.

Sedum: *Anacampseros*, Amm. 96. t. II.

Isopyrum: *Helleborus*, Amm. 100. t. 12.

Potentilla: *Pentaphylloides*, Amm. 116.

Polemonium, Fl. lapp. 86. sed hirsuta majoribusque
floribus.

Limnia Stelleri.

Lilium, Amm. 139.

Trifolium: *Lupinaster*, Amm. 143.

Vicia, Amm. 147.

Astragalus, Amm. 166.

Lathyroides, Amm. 181.

Trigonella: *Melilotus*, Amm. 158.

Delphinium, Amm. 174 & 175.

Absinthium, Amm. 193.

Lactuca, Amm. 211, & 212.

Othonna: Jacobæastrum: *Amm. 221.*
 Coryspermum, *Amm. 225.*
 Helxine: Persicaria, *Amm. 240.*
 Urtica, *Amm. 249.*
 Robinia: Aspalatus, 282. 283. 284. & 285.
 Nepeta floribus obliquis: Lophanthus.
 Blitum, *Amm. ruth. 239.*
 Porrum scapo nudo ancipiti ante florescentiam nutante.
 Amethystina, *Amm. 70.*
 Ruyschiana, *Amm. 64.*
 Ixia foliis ensiformibus, caule dichotomo.
 Brassica foliis lanceolato-ovatis glabris indivisis dentatis.
 Silene, Anemone, Heracleum, Centaurea. &c.

13. Inter has etjam comparet herba, antea ne nomine quidem nota, cuius semina sub ANANDRIÆ nomine misere Rutheni Botanici: Ex nomine & fama constituit hanc plantam, exemplo certe sine pari, flores producere absque staminibus & antheris, unde plurimi ad hanc Academiam curiosi nobiscum flores ejus conspicere optabant; tandem medio æstatis proxime præterlapsæ voti compotes facti sumus; quare inde occasionem sumsi ejusdem accuratius examen instituendi loco speciminis Academicæ, quod Botanices cultoribus non ingratum fore spero, qui novam & ignotam herbam orbi eruditio exponi gaudebunt.

N O M E N .

14. Nomen huic herbæ imposuisse constat J. G. Siegesbeckium, Horti Petropolitani Præfectum, & si in natales vocis inquirere lubet, inveniemus eam derivatam ab à privativo & *ardg:is* quæ & fortitudinem & virilitatem denotat.

15. Cel. D. Præsidi, cuius cura & indefesso labore nostra scientia feliciorem induere cœpit habitum, dum in eo esset, ut secundum sexus distingueret plantas, &

in

in classes genera & species redigeret, visum fuit fundamen-
tum primarium classicum sumere e numero sta-
minum, & appellare præditas unico stamine *Monandras*,
duobus *Dianandras*, tribus *Triandras*, & sic porro *Ico-
sandria*, *Polyandria*. Scilicet observatis constitit in nu-
meris.

Omnes plantas, visui obvias, gaudere fructificatione.

Syst. nat. veg. I.

*Omnes gaudere fructificationes antheris & stigmati-
bus.* Syst. Nat. obs. Veget. VI. Fund. Bot. 140.

Omnes herbas sua habere semina. Fund. Bot. 135.

Nullum semen ante fœcundationem excludi posse. Fund.
Bot. 138.

*Generationem vegetabilium fieri mediante farinæ anthe-
rarum lapsu supra stigmata.* Fund. Bot. 145.

*Ita ut omnis floris essentia consisteret in anthera & stig-
mate.* Syst. Nat. obs. Veget. VII.

Unde, nullam dari speciem floris sine staminibus.

Hæc sua asserta Cel. D. Præses vera deprehendit in
multis florum, a se accurate examinatorum millibus, nec
quisquam Botanicorum inventus est, qui ullum in me-
dium proferre potuit exemplum, quod veritates has in-
firmaret:

16. Etenim quod attinet duas a *Pontedera* adductas
species in Anthologia MALLAM TODDALI Hort.
Malab. XLI. 83. & NOELI-TALI. Hort. Malab. IV. 115.
illæ nihil contra nos probant. Pontedera ipse nunquam
hasce est intuitus, licet eruditio orbi persuadere conetur
illas sine staminibus crescere, argumento ex eo tantum
desumto, quod Auctores Horti Malabarici stamina non
descripserint. Quod ad priorem, nemini adhuc liquet,
qua methodo sua ferat stamina; quod autem posteriorem
attinet, nobis certo constat hanc ANTIDESMAM Burm.
Zeyl. 22. t. 10. decantatum istud specificam contra mor-
sus

sus lethalis Anguis Heretimandel, pertinere ad Diœciam Pentandriam, indeque habere, in distincto individuo seu mare, stamina quinque cum antheris, cuius itaque characterem, cum novus adhuc sit, communicabimus.

ANTIDESMA.

* *Mas.*

CAL. *Perianthium pentaphyllum*: foliolis æqualibus, oblongiusculis, concavis.

COR. nulla.

STAM. *Filamenta 5*, capillaria, calyce longiora, æqualia. *Antberæ* subrotundæ, semibifidæ.

* *Femina* in distincta planta.

CAL. ut in mare, persistens.

COR. nulla.

PIST. *Germen ovatum*. *Stylus nullus*. *Stigmata 5*, obtusa.

PER. *Bacca cylindrica*, unilocularis, stigmatibus terminata.

SEM. Unicum, oblongum.

17. Antequam vero ulterius pedem promovemus, verbo tetigisse sat erit, Siegesbeckii propositum fuisse, theoriam Botanicam Clariss. D. Præsidis, in Fundamentis Botanicis adstructam, everttere; verum affectibus nimium indulsisse videtur, *meliora forte dicturus*, nisi iratus fuisse, ut verbis utar Cel. Halleri, in recensione operis Siegesbeckii ad Historia Pl. helveticarum p. 31. nec hisce diutius immorari libet, cum Physices Professor Aboensis Cel. D. Joh. Brovallius & Botanices Professor Berolinensis Cel. D. J. G. Gleditschius ad oculum demonstrarint canones Cel. D. Præsidis firmo niti talo; Addam tantum, canones primarios D. Siegesbeckii quibus maxime dissentit a Cel. D. Præsidis theoria in hisce consistere: scilicet statuit.

Stamina non constituere partes essentiales plantæ. Scia-graphia 53

Her-

*Herbarum semina maturescere absque fæcundatione en
antheris.* Sciagr. 46.

Nomina classium non sumi debere a sexu plantarum.
Sciagr. 48. &c.

18. Observatæ demum huic herbæ a Siegesbeckio
absque staminibus, nomen ANANDRIÆ datum, quod
simul characterem essentialē plantæ involveret, & clas-
ses plantarum in systemate sexuali feriret, nec non ipsa
Fundamenta Botanices antheris superstructa everteret.
Si qui Anandriam Siegesbeckii itaque accipiant pro di-
stincto genere in suis historiis Botanicis, obseruent hanc
plantam ideo appellatam esse *Anandriam*, quod primus
nominator stamina non animadverterit.

R A D I X.

19. RADIX est crassiuscula & variis fibris capillata;
verum pauca admodum de ea hac occasione dicere pos-
sumus, cum eam, donec ejus major nobis non suppe-
rat copia, radicitus effodere noluerimus. Ineunte vere
anni proxime preteriti MDCCXLIV, semina hujus terræ
mandata fuere in Horto Academicō, quæ haud multo
post folia emittebant, nullum vero caulem. Hoc anno
in caulem etiam excrevit Radix, qua adhuc nondum emar-
cida aut emortua est, sed firmiter adhæret terræ in si-
gnum perennitatis. Eam serpere sicut se dilatare &
multiplicare, observatum non est. Duplici modo herba
hæc in Horto crevit, & in vase intra Hybernaculum as-
servata, & sub dio liberiori auræ & frigori exposita; u-
troque in loco incrementa cepit, sed ita ut aperto sub
cœlo tardius quidem, verum copiosius effloresceret.

FOLIA.

20. FOLIA omnia e radice enascuntur, circumscri-
ptione fere ovata, basi vero magis obtusa & fere trun-
cata, apice acuta, margine denticulata, denticulis spi-
narum instar acutis, sed inermibus, & minime pungen-
tibus:

tibus: finibus, denticulis interjectis, obtusis. Fere erecta persistunt hæc folia, utrinque glabra, nec subtus tomentosa, sed vasis oblique transversis venosa; singula petiolis propriis, e radice enatis, insidentia. Oriuntur demum antequam caulis propullulat. Magnitudo foliorum in latitudine duos circiter pollices attingit, in longitudine vero tres, & petoli circiter eandem longitudinem cum foliis attingunt.

CAULIS.


21. CAULIS scapus est circiter pedalis, crassitie penae anserinæ, solidus nec concavus, teres, subvirescens, tomento albicante hinc inde adspersus, foliis quidem omnino destitutus, sed *Braetis* seu *squamis* linearibus, viridibus, crassiusculis, alternis, pollicari spatio remotis, vixque dimidium pollicem longis, cauli approximatis instructus.

FLOS.

22. FLOS unicus, ovatus, perfecte clausus caulem terminat.

Notatu omnino dignum est, quod calyx cum suis squamis ita omnino claudatur, ut ne minima quidem apertura aëri circumfuso detur dejiciendi farinam in pistilla, & sane si unam excipiamus Ficum, non alia datur herba adhuc cognita, cui id contingat. Est ergo hoc attributum plane singulare & raro obveniens in Regno Vegetabili. Itaque farina antherarum, me quidem judice, capitulo a ventis agitato & caule incurvato communicatur cum lateralibus & circumstantibus pistillis.

Proxime præterita æstate capitulum ejus de die in diem attento oculo animoque intuebamur, sperantes fore, ut aperiretur quotidie calyx ejus & flos, ad suum indicandum genus, explicaretur; sed spe frustrabamur nostra. Tandem integro mense in exspectationem floris continuam insumto, visus est crassus quidem pap-



pus per calycem protrudi in indicium maturi fructus; quare, nobis insciis, quamvis indies attente inspiceretur capitulum, florem tamen sese celerrime prodidisse, & protinus calycem clausum esse, nobis persuadebamus. Et ideo, ne amplius idem obveniret incommodum, acu aperuimus capitulum herbæ libero in aëre positæ. Calyce explicato integer discus floscularum conspicendum se præbuit, superiore licet parte calycis clausa & hemisphærii instar vacua; omnes flosculi enati erant & perfectissimi, unde primum erat colligere, flores apertos & expansos frustra exspectari, quod etiam sequente comprobatum est tempore.

CALYX.

23. PERIANTHIIUM commune tere globosum est, imbricatum: *squamis* inæqualibus, oblongis, obtuse carinatis; exterioribus brevioribus, viridibus, subtomentosis; interioribus longioribus, conniventibus & clausis, glabris, magis carinatis, & obscure purpurascensibus.

COROLLA.

24. COROLLA calyce dimidio brevior, exalbida, intra calycem clausum storens, composita ex flosculis hermaphroditis plurimis in disco plano, & fœmineis paucioribus in radio.

Hermaphroditorum corollulae monopetalæ, infundibuliformes, erectæ, quinquefidæ, obtusifidæ.

Fœminarum corollulae plurimæ, hermaphroditorum flosculis seu disco longiores, calyce autem longe breviores, monopetalæ, lingulatæ, apice tridentatæ, pistillo breviores & angustissimæ; hæ adeo parvæ sunt, ut vix tuiscaas eas inspicere liceat, & colore albescentes.

STAMINA.

25. FILAMENTA in flosculis hermaphroditis quinque sunt, capillaria, brevissima, quibus insident quinque ANTHERÆ in cylindrum, corollula longioreum connatae, more in compositis floribus usitato.

Quoniam hoc in flore etjam sunt Antheræ cylindricæ, quemadmodum in omnibus compositis floribus, Anandria ex opposito dicta est. Neque hæc exhibitis in Fundamentis Botanicis regulis excipi debet, sed potius illis hinc accedit robur, quoniam florum reliquorum omnium instar suas ipsa Anandria habet antheras.

PISTILLUM.

26. HERMAPHRODITICIS flosculis *Germen* obverse ovatum, coronatum pilis. *Stylus* capillaris, staminibus longior. *Stigma* crassiusculum, obtusum, vix manifeste bifidum, apicibus erectis, nec reflexis aut divaricatis.

FOEMINEIS flosculis *Germen* itidem ovatum, coronatum pilis. *Stylus* capillaris, paulo longior quam in hermaphroditicis. *Stigma* crassiusculum, bipartitum apicibus recurvis.

PERICARPIUM.

27. PERICARPIUM nullum est, sed CALYX communis magis ovatus, magis viridis, & major factus, connivens, ore pappum, seipso longiore, in fasciculum colligens.

SEMINA.

28. SEMINA tam flosculis *hermaphroditicis* quam fœmineis succedunt oblonga, utrinque angustiora, calyce dimidio breviora, extrorsum gibba striata tribus vel quatuor striis elevatis; introrsum parum concava & inflexa. *Pappus* semina coronat, iisdem sesquialongior, simplex nec plumosus, sessilis nec stipite elevatus, in medio continens emarcidum florem pappo ipso breviorum, sed calyce communi longitudine fere æqualem.

RECEPTACULUM.

29. RECEPTACULUM commune flosculorum planiusculum est, punctis excavatis pro seminum insertione adspersum, adeoque & paleis & pilis destitutum.

GENUS.

30. Ex data descriptione facilime intelligitur eu-
jus sit classis & generis.

A calyce communi, a corollis ex corollulis mono-
petalis germini insidentibus, cum antheris in cylindrum
connatis, sequitur hanc herbam numerari debere inter
flores *compositos* & quidem inter *discoideos* RAJI,

Ad Compositos ex regularibus & irregularibus simul
RIVINI,

Ad Compositos radiatos TOURNEFORTII,

Ad Syngenesiam Polygamiæ superflue LINNÆI,

Ad Compositos ROYENI,

Ad Petaloideos corymbiferos HALLERI,

Ad Compositos radiatis capitulis PONTEDERÆ,

Ad Corymbiferos VAILLANTII.

Hinc proprius ad genus pervenimus. Non potest
hæc planta referri ad ASTERES, *squamis calycinis*,
nullis apice prominulis; Non ad SENEACIONES, *calyce*
cylindraceo, *basi calyculato*, *squamis apice emortuis*; Non
ad SOLIDAGINES nullis seminibus ovatis & corollulis
fæmineis distantibus; Non ad DORONICA *foliolis ca-*
lycinis, *duplici serie æqualibus*; Non ad HELENIAS
calyce simplici nec imbricato; Non ad TAGETES, *ca-*
lyce monophyllo; sed ad Genus TUSSILAGINIS pro-
xime accedit.

31 Notam characteristicam imponere generi TUS-
SILAGINIS, res sane ardua est, tamen si attento ocul-
lo paulo pœnitius specierum faciem externam, quæ in
constituendo genere nunquam prætereunda erit, secundum
Fund. Bot. 168. inspiciamus, deprehendimus in hac
folia omnia esse radicalia; ad cordatam figuram proxime
accendentia margine dentata; scapum foliis destitutum,
squamis vagis vestitum, simplicem & tomento hinc in-
de adspersum; quæ omnia attributa in hac herba amice
conspic.

conspirant, unde varii, antequam flos ejus natus erat in Horto Academicō, ex sola facie eandem de tribu Tussilaginis esse judicabant.

Tussilagine flore radiato, & omnes gaudent radio minimo, ut nullum aliud inveniatur discrimen, quo hæc ab illis distingui queat; nisi quod sit diversa prop̄tio calycis, hujusque squamæ interiores dorso carinatæ sint; quæ notæ tanti non habendæ, ut diversa genera constituant, præsertim cum facies ac reliqua omnia sint paria. Si recentissimum Rei Herbariæ scriptorem Cel. Dom. Hallerum de stirpibus Helveticis adeamus, ejus Petasitidem unam eandemque esse cum Tussilagine Linnæi, videbimus ex charactere sequenti: *Petasites*, inquit a *Cacalia* differt calycis squamis multorum ordinum, imbricatis, floribus obesioribus, flosculis pluribus, habitu singulari, caule nempe simplici aphylo ante folia erumpente, solis squamis coloratis, a foliis diversissimis adsperso; in conjungenda vero Tussilagine, ob speciem tertiam, omnino cum Linnæo sentio. Linnæi vero character habetur in *Generibus plantarum* 648.783.

Dicit forte aliquis esse Anandriam a Tussilagine genere toto distinctam, ejusque characterem quærendum in calyce communi clauso; at inspiciat, velim CUCUBALUM caule simplicissimo unifloro, corolla inclusa. Fl. Lapp. 181. t. XII. f. 1. qui collatus cum CUCUBALO calycibus subovatis glabris reticulato venosis, capsulis trilocularibus Fl. Svec. 360. clare ostendet hanc proportionem, ubi cætera sunt paria, minime distingue-re vel mutare genera: etenim hæ duæ herbæ in facie & partibus fructificationis omnibus ita omnino æquales sunt, ut potius ambigere possimus has ad diversas species esse referendas, calyx licet sit in priori ferme clausus, dum corolla florens in fundo ejus occultatur, in sequenti vero patulus.

SPECIES.


32. Cum jam Anandriam esse speciem Tussilaginis demonstraverimus; ad differentiam ejus specificam, qua hæc a speciebus congeneribus distingui potest, ordo nos ducit. PETASITES & TUSSILAGO diversa censabantur genera ante conjunctionem a Præside factam. PETASITES *Tournefortii* habebat in scapo plurimos flores in thyrsum congestos, sed TUSSILAGINES *Tournefortii* unicum solummodo florem, quemadmodum hæc Anandria in singulo scapo. Omnes TUSSILAGINES *Tournefortii* instructæ erant flore radiato, & character PETASITIDIS *Tournef.* consistebat in flosculis hermaphroditis, usque dum Celeberr. *Dillenius* detegeret speciem quandam flosculis fœmineis in ambitu, sed nudis; & D. *Præses* aliam speciem in Lapponia flosculis in ambitu fœmineis & radiatis. Itaque non necesse est aliquam sumere notam e radio, cum omnes species Tussilaginis scapo nudo, adhuc detectæ, sunt radiatæ. Quæ vero a calyce clauso sumitur nota, huic herbæ est singularis ac propria, & ideo satis sufficiens ad illam a reliquis speciebus omnibus, quæ Tussilaginis subsunt generi, discernendam. Hinc Anandriam appellamus TUS-
SILAGINEM *scapo unifloro calyce clauso*.

33. De hujus virtutibus, utpote & propria & aliorum experientia destituti, nihil adhuc dicemus. Itaque Colophonem, quod ajunt, huic dissertationi imposituri, antea dicta in compendium mitterimus: Est Anandria instructa suis staminibus & antheris, haud secus ac aliæ Tussilagines, & omnes reliqui flores in syn-
genesis Polygamiæ superfluæ; unde sequitur non posse consistere nomen Anandriæ, utpote ipsi herbæ contrarium, secundum *Fund. Bot.* 232. simulque constat Anandriam, sic dictam, Siegesbeckii, non minus quam omnes in universum alias adhuc detectas plantas, suis
gaude-

gaudere staminibus nec proinde a Regula universali
eximendam esse.

FIGURA

- 1 *In tabula ANANDRIAM naturali magnitudine delineavimus.*
- 2 *Ad dextram duo flosculi lente visi.*
 - a *Horum prius Flosculus est fæmineus cum corollula, germine stylo & stigmate bifido.*
 - b *Posteriorius flosculus Hermaphroditus est, constans germine, corolla, stylo anthera cylindrica cincto & stigmate erecto brevi terminato.*
- 3 *Aa sinistram manum delineavimus.*
 - b *Calycem sub florescentia - perpendiculariter dissectum, ut flosculi in medio pateant visui, superiore hæmisphærio vacuo.*
 - c *Calycem maturo fructu, naturali magnitudine, e cuius ore Pappus propullulat.*
 - e *Semen unicum cum Pappo naturali magnitudine.*



VIRO JUVENI,
Præstantissimo atque Doctissimo,
D:NO ERLANDO TURSEN,
de herba ANANDRIA dicta
propediem disputaturo.

Quantas delicias campi *Floræ* fragrantissimi,
quantum utilitatis regni vegetabilis intimior
cognitio adferat, verbis effari nequit: Virtus
tamen, ut nobiliore splendore corruscat, ita ma-
jori ornamento, honore & prœmiis suos maectat
cultores. Hæc tanta in Te, *Præstantissime Domine*,
eluxit, & jam etjam elucet, ut ab ipsa ineunte
pueritia rebus non vanis ac frivolis, sed solidiori
artium optimarum cognitioni comparandæ curam
impenderis, Doctissima & elegantissima tua dis-
sertatio, quam propediem defensurus abunde
testatur, *Tu*, supra ætatem sapere, *Teque*, inter
scrutandum herbarum florumque virtutes varias,
in virtute & doctrina quotidianos fecisse progres-
sus. Hinc pro amicitia & consuetudine, quæ mi-
hi tecum a teneris intercessit, non possum quin Ti-
bi felices ingenii dotes, felicissimos studiorum pro-
gressus, & Parenti filium optimæ spei & indolis
gratuler optemque ut brevi illis orneris, quæ virtus
& doctrina suis perpetuis reservarunt cultoribus.
Vale.

Edebo die XXV Novembris.
MDCCXLV.

S. NYMANSON.